

Berita Bandaraya

DEWAN BANDARAYA KUALA LUMPUR

Rasa-Rasa Kuala Lumpur

Sempena Bulan Citrawarna Malaysia 2002 yang diadakan pada 27 Mei-23 Jun 2002, Dewan Bandaraya Kuala Lumpur (DBKL) telah mengadakan beberapa program bagi menyambut dan memeriahkan lagi suasana Bulan Citrawarna Malaysia 2002. Antara program yang diadakan ialah Rasa-Rasa Kuala Lumpur 2002 bertempat di Jalan Hang Kasturi, Pasar Budaya Kuala Lumpur.

Rasa-Rasa Kuala Lumpur dengan berkonsepkan nostalgia zaman awal 80-an menyediakan makanan terkenal di Kuala Lumpur seperti nasi briyani, murtabak, satay, kueh teow, mee goreng mamak, nasi lemak Tang Ling dan lain-lain bagi dinikmati oleh warga kota Kuala Lumpur dan pelancong. Penyediaan makanan disediakan oleh para pengusaha gerai yang terkenal di sekitar Kuala Lumpur.

Beberapa pertandingan telah diadakan seperti Pertandingan Gerai Bersih/Cantik dan Pertandingan Juadah Lazat/Sedap. Pertandingan bertujuan menggalakkan para penjaja supaya sentiasa mengamalkan kebersihan dan pengindahan tempat perniagaan di samping menyediakan makanan yang lazat dan sedap agar dapat menarik ramai lagi pengunjung-pengunjung ke gerai masing-masing.

Acara Perwampulan Sijil dan hadiah telah diadakan pada 17 Jun 2002 dan telah disampunkan oleh Y.Bhg. Datuk Mohamad Shaid Bin Mohd. Taufek, Datuk Bandar Kuala Lumpur. Pertandingan Gerai Bersih/Cantik telah dimenangi oleh Encik Harun Bin Hashim dan

Pertandingan Juadah Lazat pula dimenangi oleh Puan Rozleena Bt. Ramli.

Pada malam tersebut orang ramai telah dihiburkan dengan persembahan kebudayaan, lawak jenaka dan nyanyian oleh artis-artis terkenal tanahair.



Puan Norlia Ramli@ 'Joyah' mendapat tempat ke dua dalam Pertandingan Juadah Lazat menerima penghargaan daripada YBhg. Datuk Mohamad Shaid Bin Mohd. Taufek, Datuk Bandar Kuala Lumpur.



YBhg. Datuk Mohamad Shaid Bin Mohd. Taufek, Datuk Bandar Kuala Lumpur melawat salah satu gerai yang mengambil bahagian.

Rencana Pengarang

Pelancongan telah terbukti sebagai satu industri yang dapat menyumbang kepada ekonomi negara di samping meningkatkan imej di mata dunia.

DBKL turut menyokong dasar kerajaan ke arah menggalakan pelancongan dengan menubuhkan Majlis Pelancongan Kuala Lumpur dan Bahagian yang bertanggungjawab terhadap pelancongan. Antara fungsi dan peranan Majlis Pelancongan ialah melaksanakan program dan aktiviti, menyediakan produk dan prasarana pelancongan.

Sebuah Jawatankuasa Penggalakan Pelancongan yang terdiri dari sektor kerajaan, korporat dan badan-badan bukan kerajaan juga telah ditubuhkan bagi merancang, menyelaraskan dan membangunkan produk pelancongan dan mengadakan kalendar acara bagi sepanjang tahun. Selain itu, jawatankuasa ini juga akan memajukan dan mempromosikan pelancongan, kebudayaan dan kesenian secara bersepadu.

Kuala Lumpur sebagai pintu masuk ke negara ini akan membangunkan produk pelancongan berdasarkan kekuatan dan keunikan tempatan iaitu sebagai pusat membeli-belah bertaraf dunia serta kewujudan aneka budaya dan cara hidup masyarakat yang pelbagai.

Keupayaan Kuala Lumpur menjadi tuan rumah untuk konvensyen dan acara sukan peringkat antarabangsa turut membantu usaha menarik lebih ramai lagi pelancong ke Kuala Lumpur.

Warga kota yang bekerja sebagai pemandu pelancong, penyambut tetamu, pemandu teksi, pekerja hotel dan lain-lain pusat tumpuan pelancongan serta peniaga dan penjaja termasuk orang ramai boleh membantu menggalak dan mempromosikan Kuala Lumpur sebagai destinasi pelancongan yang menarik dan unggul. Caranya ialah dengan melahirkan sikap dan budaya hidup yang sopan santun, suka membantu, ceria dan sentiasa menjaga kualiti, kebersihan dan keindahan.

Khidmat

Jabatan Kerja Awam
Tingkat 17, Bangunan DBKL, Jalan Raja Laut
03-2699 3597

Jabatan Seni Taman & Kawalan Pembersihan Bandar
Tingkat 16, Menara Dato' Onn, PWTC
03-4045 3320

Direktorat Penguatkuasaan
Kaunter Bayaran, Tingkat Bawah, Blok A,
Jalan Tun Razak, 50400 Kuala Lumpur.
03 - 4023 1133

Jabatan Perancang & Kawalan Bangunan
Tingkat 8, Bangunan DBKL, Jalan Raja Laut.
03-2691 6011 samb. 3806/3868

Jabatan Pengangkutan Bandar
Tingkat 19 Menara Tun Razak, Jalan Raja Laut.
03 - 2691 0555

Jabatan Kesihatan
Tingkat 2, Bangunan Pentadbiran,
Km.4, Jalan Cheras.
03 - 9284 5166

Jabatan Pengurusan Penjaja & Perniagaan Kecil
Tingkat 4, Bangunan PKNS, Jalan Raja Laut.
03 - 2698 6989

Jabatan Pelesenan
Tingkat Bawah, Bangunan Bank Utama
56, Jalan Tuanku Abdul Rahman.
03 - 2698 6177 samb. 100

Jabatan Pengurusan Perumahan
Tingkat Bawah,
No. 12, , Jalan Tuanku Abdul Rahman.
03 - 2691 2112

Jabatan Saliran & Pengurusan Sungai
Tingkat 15, Bangunan DBKL, Jalan Raja Laut.
03 - 2691 6011

Hotline DBKL
03-4022 0033
(Banjir, lemas, tanah runtuh, jalan berlubang)
03-9284 3636/9284 3434
(Binatang berbisa, pokok tumbang)

Talian Aduan Awam
Bhg. Hal Ehwal Awam
03-2699 3852

Hari Mesra Pelanggan
(Sabtu Minggu 2 & 4 setiap bulan)
9.00 pagi - 12 tengahari

Pegawai Bertugas
Muhamad Bin Wahab

Tel : 03-2697 7097

Penasihat

Yusuf bin Ali Halijah Binti Uthman

Penyunting

Lamek Abidin bin Hj. Mohd. Nain

Editor

Abdullah bin Ibrahim

Sub Editor

Hanim Binti Hj. Hashim

Suriyana Binti Ismail

Jurufoto

Mubarak Bin Mohd. Alan

Abd. Khani Bin Md. Shohor

Md. Ismail Bin Isnin

Cetakan

Unit Repografi

Jabatan Pengurusan Organisasi

Dewan Bandaraya Kuala Lumpur

Alamat Editor

Berita Bandaraya

Bahagian Hal Ehwal Awam

Jabatan Pengurusan Organisasi

Tingkat 5, Bangunan DBKL

Atau berhubung dengan

Suriyana Binti Ismail

Tel: 03-2691 6011 samb. 3851

Faks: 03-2694 1373

E-mel: akhbar@dbkl.gov.my

ANUGERAH KHIDMAT CEMERLANG 2002

Syabas dan tahniah kepada 440 orang anggota DBKL yang telah menerima Anugerah Perkhidmatan Cemerlang tahun 2002. Seramai 140 orang mendapat pergerakan gaji melintang dan 300 orang mendapat pergerakan gaji menegak.

Pemberian anugerah ini adalah sebagai tanda penghargaan dan pengiktirafan DBKL terhadap pegawai dan kakitangan yang cemerlang dalam melaksanakan tugas yang telah diamanahkan. Kakitangan berkenaan

telah menerima sijil, seutas jam tangan dan insentif simpanan ASE bernilai RM300 (Bumiputera) atau Sijil Simpanan Premium bernilai RM300 (bukan Bumiputera) serta 1 atau ½ bulan gaji.

Anugerah ini juga akan memberi motivasi kepada pegawai dan kakitangan DBKL untuk bekerja lebih tekun, cekap dan efisien supaya DBKL akan terus menjadi sebuah organisasi yang berwibawa dalam mentadbir bandar raya Kuala Lumpur.



Kerja-kerja cantasan pokok dilaksanakan agar persekitaran bandar raya kelihatan kemas dan cantik.

Dianggarkan sebanyak 400,000 pokok rimbun terdapat di Bandar raya Kuala Lumpur. DBKL sentiasa memastikan mutu penyenggaraan yang terbaik, selaras dengan dasar penghijauan bandar. Pokok-pokok di Kuala Lumpur dipelihara dan dikawal di bawah Akta (Perancangan) WP 1982. Semua pokok-pokok samada di kawasan awam atau persendirian adalah tertakluk kepada akta ini.

Pokok-pokok di bawah penyenggaraan dan kawalan DBKL ialah pokok-pokok yang di tanam

- a. tepian jalan
- b. buah lapang (tree bank)
- c. pokok asal (preservation)

PENYENGGARAAN POKOK DI KL

Pokok-pokok yang boleh disyorkan tebang, alih atau cantas, pertimbangan dibuat berdasarkan kepada :

a. kedudukan pokok samada terbabit dengan pembangunan

b. keadaan pokok samada mati, condong, rosak, berpenyakit dan keadaan akarnya telah melilit atau terlibat dengan kabel-kabel elektrik, telekom atau paip.

c. spesis pokok yang cepat membesar, rapuh dan mudah patah apabila ribut kencang.

d. pokok-pokok rendang yang rantingnya menutupi papantanda petunjuk arah jalan, menjangkau hingga ke bumbung kediaman atau rumah-rumah kepunyaan persendirian dan untuk merapikan dan mengembalikan kecantikan serta teduhan kawasan berkaitan.

Bilangan pokok yang ditebang, dicantas serta potong dahan sekali sebulan ialah sebanyak 2000 batang.